

Addasrwydd i fod yn Berson Cofrestredig

**Ystyriaethau allweddol ar gyfer swyddogion CGA a awdurdodwyd yn briodol,
Aelodau panel Pwyllgor Addasrwydd ac ymgeiswyr**

(Asesiadau Cam 2 a Cham 3)

Diben yr arweiniad hwn

Mae'r arweiniad hwn at ddefnydd:

- swyddogion CGA a awdurdodwyd yn briodol y mae gofyn iddynt argymhell a ddylid caniatáu cais ymgeisydd i gofrestru ai peidio yng Ngham 2, neu ei gyfeirio at Gam 3 (cyfarfod o'r Pwyllgor Addasrwydd); ac
- aelodau panel Pwyllgor Addasrwydd y mae gofyn iddynt benderfynu a ddylid caniatáu cais i gofrestru mewn cyfarfod Cam 3, os bydd asesiad yn cyrraedd y cam hwn; ac
- ymgeiswyr er mwyn eu cynorthwyo i baratoi ymateb i CGA, naill ai yng Ngham 2 neu Gam 3.

Arweiniad yn unig yw hwn - mae pob asesiad yn wahanol.

Ym mhob asesiad, ar yr ymgeisydd mae'r cyfrifoldeb i ddarparu tystiolaeth ynghylch ei addasrwydd i gofrestru gyda CGA. Yn hyn o beth, nid oes rheidrwydd ar CGA i chwilio am unrhyw dystiolaeth o'r fath na chynghori'r ymgeisydd ynghylch sut i gael gfael arni. Yr ymgeisydd sy'n parhau i fod yn gyfrifol am gyflwyno ei achos ynghylch eich addasrwydd ac ategu hynny.

Ystyr 'Cam 1', 'Cam 2' a 'Cam 3' o'r broses asesu addasrwydd

'Cam 1': Pan fo gan ymgeisydd un neu fwy o fân droseddau wedi'u cofnodi yn ei erbyn.

Ni wahoddir yr ymgeisydd i ymateb.

Canlyniadau posibl: Caiff cais i gofrestru ei ganiatáu yng Ngham 1; neu

Caiff cais ei gyfeirio at Gam 2

'Cam 2': Pan:

- fo ymgeisydd wedi datgan un neu fwy o droseddau mwy difrifol/mynych/gwaethygedig wedi'u cofnodi yn ei erbyn; a/neu
- mae ymgeisydd wedi gwneud unrhyw ddatganiad arall yn nogfen CGA *Cais i Gofrestru gyda CGA*, neu yn rhywle arall; a/neu
- mae ymgeisydd wedi methu â gwneud datganiad yn nogfen CGA *Cais i Gofrestru gyda CGA*, neu yn rhywle arall; a/neu
- mae CGA yn derbyn gwybodaeth berthnasol arall am yr ymgeisydd, neu am ei gais/ei chais i gofrestru; neu
- ni chafodd y cais i gofrestru ei ganiatáu yng Ngham 1.

Gwahoddir yr ymgeisydd i ymateb a chyflwyno sylwadau ynghylch ei addasrwydd.

Canlyniadau posibl: Caiff cais i gofrestru ei ganiatáu yng Ngham 2; neu

Caiff cais ei gyfeirio at gyfarfod Cam 3 Pwyllgor Addasrwydd.

Ni chynhelir Pwyllgorau yng Nghamau 1 a 2.

Caiff argymhellion o dan Gamau 1 a 2 eu gwneud yn y lle cyntaf gan swyddog a awdurdodir yn briodol o'r Tîm Priodoldeb i Ymarfer. Rhaid i argymhellion gael eu hawdurdodi gan y Dirprwy Brif Weithredwr a chânt eu hadrodd i'r Cyngor.

'Cam 3': Pan:

- na chafodd y cais i gofrestru ei ganiatáu yng Ngham 2; neu
- pan fernir ei bod yn briodol cyfeirio'r cais yn uniongyrchol at gyfarfod Cam 3 oherwydd yr wybodaeth a dderbyniwyd am yr ymgeisydd (Rheol 6(4)).

Cynhelir cyfarfodydd yn breifat a gwahoddir yr ymgeisydd i fynychu.

Canlyniadau posibl: Caiff cais i gofrestru ei ganiatáu yng Ngham 3; neu

Caiff cais i gofrestru ei wrthod yng Ngham 3.

Arweiniad o ran terminoleg

Mae *Rheolau Cofrestru 2017* CGA yn cyfeirio at nifer o wahanol elfennau a allai fod yn sail i asesiad addasrwydd. Mae'r rhain wedi'u nodi a'u hesbonio isod.

Ystyr '**atgyfeiriad addasrwydd**' yw gwybodaeth a dderbynnir gan CGA, ar adeg cyflwyno cais, a allai effeithio ar addasrwydd ymgeisydd i fod yn berson cofrestredig. Gallai hyn:

- (a) gael ei darparu gan yr ymgeisydd mewn datganiad; a/neu
- (b) fod yn fethiant gan yr ymgeisydd i ddatgan a/neu
- (c) fod yn wybodaeth berthnasol arall o unrhyw ffynhonnell arall;

ystyr '**tramgwydd troseddol/trosedd**' yw:

- (a) euogfarn;
- (b) rhybuddiad (rhybudd ffurfiol ynghylch ymddygiad yn y dyfodol gan uwch swyddog heddlu, fel arfer mewn gorsaf heddlu, ar ôl i berson gyflawni trosedd. Defnyddir hyn fel opsiwn amgen i gyhuddo ac erlyn posibl);
- (c) rhybudd (person ifanc sy'n cael ail rybudd a rhybudd 'terfynol' ffurfiol ynghylch ymddygiad yn y dyfodol);
- (ch) cerydd (mae cerydd wedi disodli'r rhybuddiad ar gyfer pobl ifanc o dan 18 oed).

Ystyr '**datganiad**' yw:

Ile mae ymgeisydd yn gwneud datganiad yn nogfen *CGA Cais i Gofrestru gyda Chyngor y Gweithlu Addysg*, neu yn rhywle arall.

Ystyr '**methiant i ddatgan**' yw:

Ile mae ymgeisydd yn methu â gwneud datganiad yn nogfen *CGA Cais i Gofrestru gyda Chyngor y Gweithlu Addysg*, neu yn rhywle arall, pan oedd yn briodol gwneud hynny.

Ystyr '**gwybodaeth berthnasol arall**' yw unrhyw wybodaeth arall y gofynnir amdani a/neu a gaiff ei darparu i CGA a allai gael ei hystyried yn berthnasol i asesiad o addasrwydd.

Arweiniad i'r ystyriaethau allweddol

Mae'r canlynol yn bwyntiau y gallai swyddog a awdurdodir yn briodol, Pwyllgor Addasrwydd ac ymgeisydd eu hystyried:

Yr ymgeisydd

1. Pa brofiad o ymarfer yn y proffesiynau addysg sydd gan yr ymgeisydd?

A yw'r ymgeisydd:

- yn ymarferydd profiadol neu ddibrofiad yn ei briod broffesiwn (athro ysgol (gan gynnwys ANG), gweithiwr cymorth dysgu mewn ysgol, athro addysg bellach, gweithiwr cymorth dysgu addysg bellach, gweithiwr ieuencid, gweithiwr cymorth ieuencid, ymarferydd dysgu seiliedig ar waith)
- yn cyflawni 'gwaith penodedig' athro ysgol tra ei fod heb ei gofrestru (noder: mae unrhyw ysgol neu asiantaeth sy'n cyflogi neu'n rhoi lleoliad i athro ysgol yn y modd hwn yn torri'r gyfraith)
- wrthi'n gweithio, tra ei fod heb ei gofrestru, fel gweithiwr cymorth dysgu mewn ysgol, athro addysg bellach, gweithiwr cymorth dysgu addysg bellach, gweithiwr ieuencid, gweithiwr cymorth ieuencid, ymarferydd dysgu seiliedig ar waith (noder: mae unrhyw gyflogwr neu asiantaeth sy'n cyflogi neu'n rhoi lleoliad i ymarferydd yn y modd hwn yn torri'r gyfraith).

Nodyn am 'waith penodedig'

Mae Rheoliadau Cyngor y Gweithlu Addysg (Prif Swyddogaethau) (Cymru) 2015, fel y'i diwygiwyd, yn pennu'r gweithgareddau canlynol:

- Cynllunio a pharatoi gwersi a chysiau i ddisgyblion;
- Cyflwyno gwersi i ddisgyblion. Mae hyn yn cynnwys cyflwyno drwy gyfrwng dysgu o bell neu dechnegau â chymorth cyfrifiadurol;
- Asesu datblygiad, cynnydd a chyrhaeddiad disgyblion; ac
- Adrodd ar ddatblygiad, cynnydd a chyrhaeddiad disgyblion.

2. A yw'r ymgeisydd wedi cymryd camau i ddangos ei addasrwydd i fod yn berson cofrestredig i CGA?

A yw ef neu hi:

- wedi gwneud datganiad cadarnhaol yn y *Cais i Gofrestru* mewn perthynas â'i gofnod neu ei chofnod troseddol yn y DU neu dramor lle roedd yn briodol gwneud hynny, neu wedi methu â datgan
- wedi gwneud unrhyw ddatganiad cadarnhaol arall yn y *Cais i Gofrestru* lle roedd yn briodol gwneud hynny, neu wedi methu â datgan
- wedi ymateb i lythyrau CGA o dan Gam 2 neu Gam 3, neu ymholiadau eraill
- wedi cyfaddef neu wadu ei ymddygiad, neu ei ymddygiad honedig
- wedi mynegi edifeirwch neu wedi ymddiheuro - wedi dangos crebwyll
- wedi esbonio'r ymddygiad / anghymhwysedd a'r amgylchiadau cysylltiedig
- wedi cyflwyno lliniariad
- wedi ceisio cymryd camau cywirol ers yr ymddygiad neu'r materion cymhwysedd
- wedi cynnig sylwadau ynghylch newid amgylchiadau ers yr ymddygiad neu'r materion cymhwysedd
- wedi ceisio datgelu a chyfaddef y methiannau honedig i gyrff perthnasol, er enghraifft, ysgol, sefydliad AHCA, sefydliad AB, All, cyflogwr perthnasol arall neu CGA (cyn i atgyfeiriad addasrwydd gael ei dderbyn)

3. A oes unrhyw eirdaon neu dystlythyrau wedi'u darparu o blaid yr ymgeisydd?

Os oes rhai, ystyriwch:

- y berthynas rhwng yr awdur a'r ymgeisydd

- dyddiad ysgrifennu'r geirada neu'r tystlythyr (gall fod yn un cyffredinol, ac ers peth amser)
- tarddiad y ddogfen a ddarperir (er enghraifft papur pennawd swydddogol, llofnod ysgrifenedig)
- a yw'r awdur yn dangos ymwybyddiaeth o asesiad CGA (a yw'r awdur yn sôn am yr wybodaeth a ddatganwyd neu yr hysbyswyd CGA ohoni am yr ymgeisydd)
- a oedd yr awdur yn dyst i fanylion yr asesiad addasrwydd, ac a all roi adroddiad o lygad y ffynnon
- a yw'r awdur yn cyflwyno unrhyw dystiolaeth bod ymddygiad / cymhwysedd yr ymgeisydd wedi gwella/wedi'i gywiro ers i'r honiadau godi
- a all yr awdur gadarnhau nad yw'r ymddygiad neu'r materion cymhwysedd a ddatganwyd wedi effeithio ar addasrwydd yr ymgeisydd i ymarfer ai peidio
- a oes geirada gan gyflogwr diweddaraf yr ymgeisydd i'w gefnogi ef neu i'w chefnogi hi
- a oes geirada gan gyflogwr yr ymgeisydd, boed hynny'n gyn-gyflogwr neu'n gyflogwr presennol, sy'n dangos iddo asesu addasrwydd yr ymgeisydd i gael ei gyflogi ar sail yr un wybodaeth ag a gaiff ei hystyried gan CGA.

Tramgwyddau troseddol/troseddau a ddatganwyd yn nogfen *Cais i Gofrestru* CGA, neu'n rhywle arall, ac a gadarnhawyd gan wiriad ar Gyfrifiadur Cenedlaethol yr Heddlu (PNC)

1. Pryd digwyddodd y troseddu?

- Yn ddiweddar/peth amser yn ôl/y ddau – pa mor aml
- Cyn, yn ystod neu ar ôl hyfforddiant athro, neu ryw fath arall o hyfforddiant mewn un neu fwy o'r priod broffesiynau addysg
- Cyn neu ar ôl i Statws Athro Cymwys (SAC) gael ei ddyfarnu
- Pan oedd wedi'i gyflogi i gyflawni 'gwaith penodedig' athro ysgol
- Pan oedd wedi'i gyflogi fel gweithiwr cymorth dysgu mewn ysgol, athro addysg bellach, gweithiwr cymorth dysgu addysg bellach, gweithiwr ieuencid, gweithiwr cymorth ieuencid, ymarferydd dysgu seiliedig ar waith
- Yn ystod cyfnod cofrestru blaenorol gyda Chyngor Addysgu Cyffredinol Cymru, neu ei gyrff cyfatebol yn Yr Alban neu Ogledd Iwerddon, neu GyngACLl gynt

Nodyn am yr amser a aeth heibio ers i dramgwydd troseddol/trosedd gael ei chyflawni

Gallai treigl amser, heb droseddu pellach, fod yn berthnasol os gellir dangos bod risg aildroseddu yn isel neu'n lleihau, yn enwedig os oes tystiolaeth bod yr amser hwnnw wedi'i ddefnyddio'n gadarnhaol.

2. Beth gallai'r tramgwyddau troseddol/troseddau a gyflawnwyd ei awgrymu:

- Tuedd at anonestrwydd
- Tuedd at fod yn ymosodol a/neu'n dreisgar
- Diystyru eraill
- Diffyg hunanymwybyddiaeth
- Crebwyll gwael
- Diffyg dealltwriaeth o'i gyfrifoldebau/chyfrifoldebau fel person proffesiynol
- Gwrthod neu amharoddrwydd i dderbyn cyfrifoldeb
- Anallu i ddysgu o gamgymeriadau a/neu gael ei adsefydlu
- Tuedd gyffredinol at ymddygiad neu gymeriad arbennig
- Rhagfwiad / bwriad
- Person o dan orfodaeth neu'n destun pryfocio parhaus
- Gwrthod cydymffurfio â'r awdurdodau a/neu'r gyfraith
- Bu niwed i blant neu oedolion agored i niwed, neu mae risg parhaus o niwed (os oes gwybodaeth i awgrymu bod hyn yn wir, dylai swydddog a awdurdodir yn briodol ei gyfeirio at y Gwasanaeth Datgelu a Gwahardd (GDG))
- Patrwm troseddu mynych

Nodyn am y GDG

Ar 1^{af} Rhagfyr 2012 cyfunwyd y Swyddfa Cofnodion Troseddol (SCT/CRB) a'r Awdurdod Diogelu Annibynnol (ADA/ISA) i ffurfio'r Gwasanaeth Datgelu a Gwahardd (GDG/DBS). Mae gan y GDG rôl felly mewn gwiriadau cofnodion troseddol a chynnal rhestrau o unigolion nad ydynt yn addas i weithio gyda phlant nac oedolion agored i niwed.

3. A yw'r ymgeisydd:

- wedi troseddu yng ngoleuni rhybuddion blaenorol
- wedi cydymffurfio ag unrhyw amodau blaenorol a osodwyd arno/arni o ganlyniad i'r troseddu
- wedi mynd ar drywydd cyfleoedd i adsefydlu a gynigiwyd gan y Llysoedd
- wedi darparu manylion mewn perthynas â'r troseddu sy'n cyd-fynd ag unrhyw fanylion a ddarparwyd gan bartion eraill, er enghraifft, y Llysoedd a'r Heddlu? **Mae hyn yn arbennig o berthnasol i'r broses ddatgan a fabwysiadwyd gan CGA.**

Nodyn am brawf euogfarn neu rybuddiad

Gellir ystyried bod Tystysgrif neu Femorandwm Euogfarn yn brawf pendant bod trosedd wedi'i chyflawni. Ar yr amod bod y Memorandwm neu'r Dystysgrif Euogfarn yn ymwneud â'r ymgeisydd, gellir trin y Dystysgrif fel prawf pendant o'r drosedd ac elfennau hanfodol y drosedd. Fodd bynnag, nid yw hyn yn atal yr ymgeisydd rhag herio unrhyw rai o fanylion yr achos cyfeirio ynghylch addasrwydd nad ydynt yn rhan o elfennau hanfodol y drosedd.

Nid yw rhybuddiad yn darparu prawf pendant bod trosedd wedi'i chyflawni o'i gymharu â Thystysgrif Euogfarn. Fodd bynnag, o ystyried na ellir rhoi rhybuddiad oni chyfaddefir trosedd, gellir ystyried rhybuddiad yn dystiolaeth prima facie bod y drosedd wedi'i chyflawni.

Dylai'r swyddog a awdurdodir yn briodol ac aelodau panel Pwyllgor Addasrwydd gymryd bod euogfarn yn codi cwestiwn ynghylch cymeriad yr ymgeisydd. Wrth wneud hynny, dylid cofio y bydd yr ymgeisydd wedi cael cosb briodol gan y Llys. Dylid nodi unrhyw sylwadau dedfrydu a wnaed gan Lys os yw'r rhain ar gael.

Datganiad a wneir yn nogfen *Cais i Gofrestru* CGA, neu'n rhywle arall

1. Pryd digwyddodd yr ymchwiliad / camau gweithredu yn erbyn yr ymgeisydd?

- Ar y gweill ar hyn o bryd (yn yr arfaeth)
- Yn ddiweddar/peth amser yn ôl/y ddau
- Cyn, yn ystod neu ar ôl hyfforddiant athro, neu ryw fath arall o hyfforddiant mewn un neu fwy o'r priod broffesiynau addysg
- Cyn neu ar ôl i SAC gael ei ddyfarnu
- Pan oedd wedi'i gyflogi i gyflawni 'gwaith penodedig' athro ysgol
- Pan oedd wedi'i gyflogi fel gweithiwr cymorth dysgu mewn ysgol, athro addysg bellach, gweithiwr cymorth dysgu addysg bellach, gweithiwr ieuencid, gweithiwr cymorth ieuencid, ymarferydd dysgu seiliedig ar waith
- Yn ystod cyfnod cofrestru blaenorol gyda Chyngor Addysgu Cyffredinol Cymru, neu ei gyrff cyfatebol yn Yr Alban neu Ogledd Iwerddon, neu GyngACLl gynt

2. Pa gyflogwr, asiantaeth neu gorff a sbardunodd ymchwiliad / a osododd y sancsiwn?

- Cyflogwr neu asiant a oedd yn gysylltiedig ag addysg pobl ifanc, neu gyflogwr arall
- Corff proffesiynol neu reoleiddio naill ai'n ymwneud ag addysgu neu broffesiwn addysg arall
- Yr Ysgrifennydd Gwladol
- Y Gwasanaeth Datgelu a Gwahardd (GDG)
- Yr Heddlu

- Corff arall

3. Pa gamau a gymerwyd?

- Dim
- Ymgeisydd yn destun ymchwiliad ar hyn o bryd
- Rhybudd byw neu wedi darfod (llafar, ysgrifenedig, ysgrifenedig terfynol) – gallai fod mwy nag un
- Diswyddo / rhoi'r gorau i ddefnyddio gwasanaethau'r unigolyn
- Setliad neu gytundeb cilyddol
- Diswyddo am Ryw Reswm Sylweddol Arall
- Hawliad ar waith mewn Tribiwnlys Cyflogaeth
- Gwrthdrowyd y diswyddiad mewn Tribiwnlys Cyflogaeth
- Gwaharddiad rhannol
- Gwaharddiad (wedi'i gynnwys ar Restr Waharddedig y Plant neu Restr Waharddedig yr Oedolion gan yr ADA neu'r GDG)
- Gorchymyn CyngAC – Gwaharddiad, Gorchymyn Atal (gyda neu heb amodau), Gorchymyn Cofrestru Amodol neu Gerydd (naill ai'n fyw neu wedi darfod)
- Gorchymyn / sancsiwn arall a osodwyd gan reoleiddiwr arall
- Euogfarn / Rhybuddiad / Cerydd / Rhybudd / Cosb Benodedig
- Cafodd yr euogfarn ei dileu ar ôl apêl
- Arall

4. Â beth roedd neu mae'r camau a gymerwyd yn erbyn yr ymgeisydd yn ymwneud?

- Ymddygiad neu gymhwysedd tra'n cyflawni 'gwaith penodedig' athro ysgol, boed hynny fel athro cofrestredig neu heb ei gofrestru
- Galluedd (iechyd) tra'n cyflawni 'gwaith penodedig' athro ysgol, boed hynny fel athro cofrestredig neu heb ei gofrestru (mae'n bosibl nad yw hyn o fewn awdurdodaeth CGA)
- Ymddygiad, cymhwysedd neu alluedd tra'n ymarfer fel gweithiwr cymorth dysgu mewn ysgol, athro addysg bellach, gweithiwr cymorth dysgu addysg bellach, gweithiwr ieuencid, gweithiwr cymorth ieuencid, ymarferydd dysgu seiliedig ar waith
- Ymddygiad, cymhwysedd neu alluedd tra'n gweithio i unrhyw gyflogwr neu asiant arall
- Cofnod troseddol / ymddygiad troseddol tra yn y DU neu dramor
- Ymddygiad amhriodol tuag at blant a/neu ddysgwyr
- Arall

5. Beth *gallai'r* camau gweithredu a gymerwyd yn erbyn yr ymgeisydd ei awgrymu amdano ef neu amdani hi?

- Diffyg cymhwysedd fel athro ysgol, gweithiwr cymorth dysgwyr mewn ysgol, athro addysg bellach, gweithiwr cymorth dysgu addysg bellach, gweithiwr ieuencid, gweithiwr cymorth ieuencid, ymarferydd dysgu seiliedig ar waith
- Diffyg dealltwriaeth o'i gyfrifoldebau/chyfrifoldebau fel person proffesiynol yn y lleoliad addysg
- Anallu i ddysgu o gamgymeriadau
- Gwrthod neu amharodwydd i dderbyn cyfrifoldeb
- Tuedd gyffredinol at ymddygiad neu gymeriad arbennig
- Anhawster iechyd heb ei ddatrys (mae'n bosibl nad yw hyn o fewn awdurdodaeth CGA)
- Patrwm ymddygiad dros gyfnod

Methiant i ddatgan yn nogfen *Cais i Gofrestru* CGA, neu'n rhywle arall

- A gyfaddefodd yr ymgeisydd iddo/iddi wneud 'camgymeriad' cyn i'r Tîm Priodoldeb i Ymarfer gysylltu ag ef neu hi?
- **A gyfaddefodd yr ymgeisydd iddo/iddi fethu â datgan gwybodaeth berthnasol ar y cyfle cynharaf?**
- A yw'r esboniad a roddwyd dros y methiant i ddatgan yn foddhaol?
- A yw'r ymgeisydd wedi methu â datgan mwy nag un elfen yn y Datganiad ar y Cais i Gofrestru? Er enghraifft, gallai'r ymgeisydd fod wedi derbyn Rhybudd Ysgrifenedig Terfynol gan gyflogwr, a bod yn destun Cerydd CyngACLl yn flaenorol. A yw'r ymgeisydd wedi datgan pob un o'r euogfarnau a / neu'r rhybuddiadau sydd heb eu gwarchod?
- A oes unrhyw dystiolaeth bod yr ymgeisydd wedi mynd ati'n fwriadol i fod yn anonest neu geisio cuddio gwybodaeth?
- Yn erbyn y methiant i ddatgan, pa mor ddifrifol yw'r camau gweithredu a gymerwyd yn erbyn yr ymgeisydd neu'r sancsiwn a osodwyd ar yr ymgeisydd gan gyflogwr neu gorff arall?
- A oes unrhyw wybodaeth arall dan sylw yn yr asesiad hwn, er enghraifft cofnod troseddol?

Dyfarniad CGA neu'r Pwyllgor

1. Pa mor sylweddol neu ddifrifol yw'r wybodaeth / methiannau yn yr atgyfeiriad addasrwydd? A yw'n uniongyrchol berthnasol i addasrwydd yr ymgeisydd yn y categori cofrestru mae'n ymgeisio ynddo?
2. Pa gamau mae'r ymgeisydd wedi'u cymryd i ddatrys unrhyw anawsterau?
3. A yw'r ymgeisydd yn peri risg barhaus o ymddwyn yn y modd dan sylw eto?
4. A oes:
 - Risg y gallai'r methiannau a ddatganwyd / a wiriwyd ddigwydd eto petai'r ymgeisydd yn cael ei gofrestru yn ei ddewis gategori, gan ganiatáu iddo ef neu iddi hi ymarfer yn y sector addysg perthnasol?
 - risg bosibl i blant neu oedolion agored i niwed?
 - risg bosibl i enw da'r proffesiynau addysg?
 - potensial am niwed neu golled a/neu botensial am niwed neu golled i ddioddefwr y troseddu?
 - cysylltiad rhwng y mater hwn a budd y cyhoedd?